



# Synfocity = 1026

mail us at : mzsynfo@gmail.com; mizoramsynod@gmail.com - Phone - 2314648

March 26, 2026

## □ NPSS Recitation intihsiak

MSSU leh Synfo tangkawpin an buatsaih NPSS Recitation intihsiak chu Chaltlang Presbyterian Kohhran Centenary Hall-ah neih a ni. NPSS Recitation Intihsiak hi Naupang Sunday School, Beginner Department aṅanga Senior Department inkar tana buatsaih a ni. Elimination Round hi March 19, 2026 (Ningani) khan Presbytery hrang hranga Kohhran 20-ah neih a ni a, intihsiak hi group hnihah ṅhen niin group khatna hi Beginner Department - Junior Department an ni a, group hnihna hi Intermediate Department - Senior Department an ni. Elimination round-ah hian naupang 640 vel an tel a, an zing aṅang hian mi 105-in Elimination round an paltlang a ni.

March 25&26, 2026 chawhma dar 10 aṅang khan Chaltlang Presbyterian Kohhran Centenary Hall-ah Elimination round paltlang mi 105 ten intihsiakna an chhonzawm a. A ni khatna (March 25)-ah Group I, mi 52-in intihsiakna an nei a, a ni hnihna (March 26)-ah Group II, mi 53-in intihsiakna an nei leh a ni. Chawhnu dar 2-ah Result puan leh lawmman semna neih a ni ang a, Rev. Dr. K. Lallawmzuala, Executive Secretary i/c MSSU-in hunserh a hmang ang a, he hunah hian Naupang Pual Media Malzai intihsika Top 3 te, Lalṅhatluangi Fanai, Tanhril Kohhran; K. Lalfakzuali, Republic Veng Kohhran leh Lalruatfela, Tlungvel Field Veng Kohhran te an zai ang.

Intihsiakah hian lawmman pakhatnain ₹ 50,000/- leh Citation, pahnihnain ₹ 30,000/- leh Citation, pathumnain ₹ 20,000/- leh Citation an dawng ang a, Top 10-a tling ten ₹ 5,000/- ṅheuh an dawng bawng.

## □ Tumkau Ni

March 29 (Pathianni) hi Tumkau Ni a ni a, Tumkau Ni hi Isua ropui taka Jerusalem a luh hriatrengna atana hman ṅhin a ni. Lal Isua chawimawiin naupangten tumkau kengin kawng an zawh ṅhin a, hmanlaiin tumkau hi ṅhatna leh hnehna entirnan an hmang ṅhin a ni.

Kum 1998 Synod chuan Tumkau ni hi Nilai leh Beihruel Thupui Bu-a tihlan ṅhin turin a rel a. Chu thu chu bawhzuiin SEC chuan Sunday School tibuai lova inkhawm ṅum khat buatsaih ṅhin turin a ti a. Kum 2007 aṅang erawh chuan inkhawm ṅum hnih buatsaih ṅhin a ni ta a ni. Kum 2022 Synod Inkhawmpui chuan Tumkau Ni chawhma inkhawm hi 2024 aṅangin Sunday School awm lovin Tumkau Ni programme-a hman ni rawh se, tiin a rel a. Tumkau Ni programme-ah chawhma, chawhnu leh zan inkhawm atan thupui hetiang hian siam a ni.

### Chawhma Inkhawm

Thupui : 'Lal inngaitlawm chu'

Chhiar tur : Zakaria 9:9; Matthaia 21:4-5

### Chawhnu Inkhawm

Thupui : 'Lal Isua kalna kawngah puante an phah'

Chhiar tur : Matthaia 21:8; Luka 19:36

### Zan Inkhawm

Thupui : 'Isua chu ropui takin a lo kal leh ang'

Chhiar tur : Tirhkohte 1:11; I Thessalonika 4:16

## □ Kohhran Hmeichhia

March 22, 2026 (Pathianni) khan Kohhran Hmeichhia chuan John Williams Hospital, Lunglei ṅanpuina atan Rs. 11,32,772.00 chu Rev. H. Lalhmingmawia, Administrative Secretary kutah Rev. Dr. K. Lallawmzuala, Executive Secretary i/c Kohhran Hmeichhiaian a hlan a ni. Kohhran Hmeichhia hian February 17, 2026 khan Synod Hospital, Durtlang hnenah charity fund atan Rs. 12,35,188.00 an hlan tawh bawng.

Kum 2025 Kohhran Hmeichhe Inkhawmpui Lian rorel 'Synod Hospital, Durtlang Charity Fund leh John Williams Hospital, Lunglei ṅanpuina pualin vawi khat inkhawm ve ve thawhlawm lak khawm,' tia alo rel tawh bawhzuina a ni.

☐ **Finance**

March 20, 2026 (Zirtawpni) zan khan Durtlang West Branch Church-ah Synod sum vawn dan training neihpuiin thawktute, Upa David Lalnunfela, Upa R. Lalbiakdika leh Pu Clayton Malsawmkima te an kal a, training-ah hian mi 40 vel an tel thei a ni.

☐ **MSSU**

◆ March 28, 2026 (Inrinni) hian Sunday School Zirtirtu Training neihpui turin Trainer-te hetiang hian an chhuak ang:

Centenary Kohhran Upa Dr. Lalhmachhuana, Upa Lalchualova leh Upa C. Lalbiaksanga  
Tanhril Vengthar Kohhran Upa Hrilthansanga, Upa Zionparlawma leh Upa Lalbiakliana

◆ March 31, 2026 (Thawhlehi) hian Himali Bialah Sunday School Zirtirtu Training neihpui turin Trainer-te Upa K. Vanlalnghaka leh Upa K. Zoremsanga te an kal ang.

☐ **Prison Ministry**

March 27-28, 2026 chhung hian Kolasib District Jail-ah rawngbawlina nei turin Rev. Lalhleia, Director leh Counsellor-te, Pu David Lalnunsanga Colney, Pu Lalchhanchhuaha leh NI. Lalrinzuali te an kal ang.

☐ **Mizoram Christian College (MCC)**

◆ Mizoram Christian College, Department of Mizo chuan March 19, 2026 (Ningani) khan CYMA Hall-ah Mizo Rochun Thawnthu leh Rimawi zir hona (Workshop on Mizo Folklore Showcasing cultural Identity through Music and Narrative) an nei a. He hunah hian chawhma lamah Dr. H. Lalbiakzuali, Associate Professor, Govt. T. Romana College-in hun a hmang a, chawhnu lamah Mizo Rimawi (Folk Music) lam thupui zir hona hun hman leh a ni a. He hunah hian Pu Zothanmawia, Folk Music Instructor, Art & Culture Department, Govt. of Mizoram chuan hun hlawk tak hmangin Mizo hun hlui rimawi hrang hrang sawi zauna mai bakah ama rimawi siam hrang hrangte sawifiahna hun a hmang a, zawhna leh chhanna hun hman a ni baw.

◆ March 20, 2026 (Zirtawpni) khan YRC Convention Centre, Falkland-ah Mizoram Christian College, 6th Semester zirlaite pualin "A Day With CKTP" Programme hman a ni.

Hun khatna hi Pu Nicholas Lalbiakzuala, Asst. Leader, CKTP-in a kaihrui a. Rev. Dr. K.M. Vanlalpeka, Leader, CKTP-in 'Zirna leh Rawngbawlina' tih thupui hmanga thu sawiin, kristian thalaiten zirna leh rawngbawlina kal kawppui dan kan thiam a, kan that lai hun, kan thiamna leh finna te Pathian leh ram tana hlan chu kan tih tur a nih thu a sawi a ni.

Hun hnihna hi T. Upa Lalremsiama Khiangte, Committee Member, CKTP-in a kaihrui a, Upa Dr. Tawnenga, Principal, MCC-in thu a sawi a. Thalaite chu an hnathawhna kawngah Mizo Kristian Thalaiten an nihna lantir tura fuihin, ei rukna, dawngdahna leh hlemhletna te um bo a, zirna leh hnathawhna kawngah Pathian bel tlat chung a rilru dik pu turin kal khawmte a chah baw. He hunah hian zawhna leh chhanna bakah sawi hona hun hman a ni a, he hunah hian Pu Isaac Hnamte leh NI. Cindy Lalthanpuii te an zai baw.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Kanhmun Bial	Khuarel chhiatna	139	₹ 13,09,000/-
2.	Pangbalkawn Bial	Khuarel chhiatna	69	₹ 8,83,000/-
3.	Kaisanary Bial	Khuarel chhiatna	7	₹ 1,10,000/-
4.	N. Serzawl	Damlo	4	₹ 40,000/-
5.	Sevenphul	In kang	1	₹ 20,000/-
			<b>Belh khawm</b>	<b>₹ 23,62,000/-</b>

☐ **Hruaina Eng TV Programme**

<b>26.3.2026 (Ningani)</b>	08:30 pm	: Thupui zir bing
<b>27.3.2026 (Zirtawpni)</b>	05:00 pm	: Kristian Naupang Pual
<b>28.3.2026 (Inrinni)</b>	05:30 pm	: Puitling Sunday School Zirlai
<b>29.3.2026 (Pathianni)</b>	07:00 am	: Sermon - Upa K. Lallawmthanga
<b>31.3.2026 (Thawhlehi)</b>	06:00 pm	: Nilai zan thupui

❑ **FM Zoawi - Aizawl & Lunglei : Hruaina Eng Radio Programme**

**March 27, 2026 (Zirtawpni) @ 7:30 p.m. :**

- Solo** : Dinai C. Lalruatdiki - Aw Kraws  
**Zaipawl** : Mizoram Synod Choir - Kraws hlun  
**Thusawi** : Upa H. Laldingngheta - Kal la thawk rawh  
**Solo** : Melody Zothansangi - Kraws ram reh  
**Zaipawl** : Vohbik - Kraws kei mi chawisangtu

❑ **Moderator leh Executive Secretary-te Programme :**

**Rev. John Raldosanga, Moderator Programme:**

- March 26, 2026 Zokhawthar Biak in hawn  
 March 27-29, 2026 Ratu Bial  
 April 2, 2026 Zonuum East Kohhran (Zan)  
 April 3, 2026 Airfield Vengthar Bial  
 April 5, 2026 Sihphir Bial

**Rev. V.L. Luaia Hranleh, Senior Executive Secretary Programme:**

- March 27, 2026 ATC Valedictory Service  
 March 30, 2026 RR leh Service Rule Enthatu Committee  
 April 2, 2026 Chanmari West Kohhran (Zan)  
 April 5, 2026 Lengte Kohhran (Chawhnu leh zan)

**Rev. Dr. K. Lallawmzuala, Executive Secretary Programme:**

- March 26, 2026 Income Tax Sub-committee  
 March 27, 2026 Central Kohhran Hmeichhe Committee  
 April 2, 2026 College Veng Kohhran (Zan)  
 April 6, 2026 Jordan Centre, Sethawn  
 April 7-8, 2026 CCM Executive Committee, Lawngtlai  
 April 10-11, 2026 Orbis International Partners Meeting, Delhi

**Rev. Dr. Rosiamliana Tochwawng, Executive Secretary Programme:**

- March 30, 2026 Central KṮP Committee  
 April 1, 2026 SMTC Committee  
 April 2, 2026 Jubilee Kohhran (Zan)  
 April 5, 2026 Tuikhuahtlang Kohhran (Chawhma)

**March 31, 2026-a Synod Service Board-ah Moderator leh Executive Secretary-te an ṽhu ang.**

**PATHIAN THU ZIR DUH TAN**

Presbyterian Bible School, Mission Vengah Certificate in Theology (C.Th.) zir tur lak a ni leh dawn a, dil duh tana hriat turte:

- Admission Form : Office hun chhungin ` 10/- a lei theih a ni  
 Dil hun chhung : March 2, 2026 - April 21, 2026, tlai dar 3:00 thleng  
 Dil thei chin : Class VII pass, kum 16 chin, Kohhran dan chhunga awm  
 Interview : April 28, 2026 (Thawhlejni) chawhma dar 10:00 @ PBS Lecture Hall  
 Class ṽan hun : May 6, 2026 (Nilaini)  
 Zir hun chhung : May - August, 2026

Zir hun chhungin zirlaite hnenah thla tin Stipend pek an ni ang.

Hrechiang duh tan Phone No. 9612163042 / 8794157618-ah zawhfiah theih a ni. Hostel a awm lo va, zir turte chu awmna tur inngaihven mai tura ngaih an ni.

*Sd/-*

Rev. C. Lalduhawma

Principal

Presbyterian Bible School

